

四庫全書

子部

欽定四庫全書

子部

御定書畫譜卷四十二

詳校官中書臣孫衡

助教臣常循覆勘

覆校官中書臣田尹衡

校對官中書臣陳墉

謄錄監生臣龍翔

欽定四庫全書

御定佩文齋書畫譜目錄

第四十二卷

書家傳二十一

明三

李東陽

吳寬

吳奕

謝遷

邵寶

徐溥

李應禎

何喬新

何喬福

何宗

王與

童軒

徐瓊

沈暉

周經

陸鉞

羅璟

劉大夏

傅瀚

傅潮

倪岳

謝鐸

戴珊

屠瀟

程敏政

羅玘

呂獻

戴經

廖輔

喬瑛

張鳳翔

張元澄

錢仁夫

劉挺

曾琮

周佩

蔡潮

張文淵

楊武

張弘至

張其湜

周宣

胡錦輅

張潛

鄧杞

沈周

吳綸

張鈇

張淵

王綸

雷鯉

朱存理

王一鵬

皇甫信

黃雲

馬時暘

陳厚

趙式

張翼

劉榮

詹復禮

詹僖

楊節

杜堇

盛安

王佐

鄒忠

吳鳴翰

秦霖

方乾

顧培

夏禮

汪道全

鄭時雍

程階

鍾禮

李進

蕭慈

周時勅

董元

周璿

王敷若

陳廷泰

沈天祿

吳燿

李橘

方絢

邵文恩

溫恭

李璧

周令

王蕃

林宣

湯敬

柴登

楊碧

吳應

周文通

王鏊

王延陵

楊廷和

李傑

郭勛

梁儲

楊一清

李璡

洪鍾

儲瓘

張志淳

喬宇

王鴻儒

劉春

陸完

錢承德

毛澄

王瓚

張嘉謨

王守仁

祝允明

唐寅

都穆

文奎

文徵明

文彭

文嘉

王同祖

蔡羽

王守

王寵

陳淳

錢穀

王韋

王逢元

徐霖

葛澣

李夢陽

何景明

徐禎卿

顧璘

顧璘

鄭善夫

陳沂

孫一元

景暘

胡纘宗

楊慎

孫承恩

汪必東

孫紹祖

張潮

常倫

胡松

虞守隨

顧可久

林達

王廷陳

林黼

張孚一

孫存

楊應奎

成周

王謳

王鳳靈

于鏊

華愛

李贊

姚惟芹

鄭天鵬

江巨石

曾嶼

涂澂

鄭雍言

張允中

金琮

金魚

劉穉孫

朱治登

胡師閔

朱貞孚

彭昉

王朝佐

謝承舉

顧元慶

沈仕

嚴賓

楊珂

王洪

張詩

李祐

張含

林鉞

周梁石

陶楷

董宜陽

高澂

楊黼

瞿汝臣

張鏐

朱正

陸平

宋顯章

崔深

朱端

司馬伯通

杜君澤

李泉

李穆

陳世英

詹貴

蔣能

林焯

張煒

諸夏

吳楚

王時任

黃源

丘山

林渠

羅散

朱唐

柴世需

徐潮

馮濟

錢潤

嚴雍

嚴芸

張奉

何翠谷

王德明

李士實

傅亨

章寶臣

張節

張士寔

徐澄

許伯貞

陸顧

潘謙

鄭公佐

陳謨

楊士廉

范紳

陳宣

金勉

陸勉

周文褒

何暹

凌壽

柳濟

欽定四庫全書

卷四十二目錄

欽定四庫全書

御定佩文齋書畫譜卷四十二

書家傳二十一

明三

李東陽

李東陽字賓之

朱謀壘云
號西涯

茶陵人四歲能大書景帝召

見加諸膝賜寶鏹舉天順八年進士授編修弘治八年
入內閣十六年加太子太保戶部尚書謹身殿大學士

贈太師謚文正

珊瑚網

涯翁篆勝古隸古隸勝真行草

弇州山人集

東陽草書筆力矯健成一家小篆清勁入妙

詹氏小辨

吳寬

吳寬字原博

書史會要世人重之稱飽卷先生

成化壬辰會試第一人

試大廷又第一授翰林修撰弘治中為禮部尚書兼學士贈太子太保謚文定為文不事追琢獨嚴體裁為詩沉著高壯一洗近世尖新之習作書姿潤中時出奇崛

雖規模於蘓而多所自得

震澤集

吳奕

吳奕字嗣業號茶香居士文定公從子亦善書筆法類

文定公

延陵族譜

謝遷

謝遷字于喬餘姚人成化十一年進士授修撰弘治八年與長沙同入內閣十八年加少傅太子太傅禮部尚

書武英殿大學士贈太傅謚文正

珊瑚網

王世貞國朝名賢遺墨有謝遷書

弇州續稿

邵寶

邵寶字國賢

朱謀聖云號二泉

無錫人成化二十年進士弘治

中為禮部尚書贈太子少保謚文莊

珊瑚網

文莊善行草深得顏魯公筆意

書史會要

徐溥

徐溥字時用宜興人孝宗時入內閣歷少師兼太子太

師吏部尚書華蓋殿大學士贈太師謚文靖

列卿紀

王世貞國朝名賢遺墨有徐溥書

弇州續稿

李應禎

李應禎名姓以字行更字貞伯長洲人景泰癸酉舉鄉試入太學授中書舍人弘治中為太僕少卿博學好古

篆楷俱入格

列卿紀

文徵明曰家君寺丞在太僕時公為少卿徵明以同寮子弟得朝夕給事左右所承緒論為多一日書魏府君碑顧謂徵明曰吾學書四十年今始有得然老無益矣

子其及目力壯時為之因極論書之要訣累數百言凡
運指凝思吮豪濡墨與字之起落轉換小大向背長短
疏密高下疾徐莫不有法蓋公雖潛心古法而所自得
為多當為國朝第一其尤妙能三指尖搦管虛腕疾書
今人莫能及也

甫田集

少卿書人有求者多怒不應以故傳世少

藝苑卮言

少卿真行草隸皆清潤端方如其為人

書史會要

少卿書法自成家蓋軼唐而上然每耻以是見名

文震

孟姑蘓名賢小記

何喬新

何喬新字廷彥廣昌人景泰五年進士弘治中為刑部

尚書諡文肅

鐵網珊瑚

喬新楷法極謹細無一筆苟

王世貞國朝名賢遺墨跋

何喬福

何喬福字廷錫

見畫家傳

讀書不事章句率其意為歌詩晚

精草書得顛素筆法

何喬新椒丘文集

何宗

何宗字本茂盱之廣昌人

兄 喬新

穎敏好學性喜書初師

歐陽率更晚更兼顏柳之體邑之山鏡冢刻多出其手

椒丘文集

王與

王與字廷貴武進人生有異質十歲能作詩景泰辛未
進士授編修孝宗時為南京吏部尚書贈太子太保謚
文肅真行書皆遒勁脫俗

列卿紀

童軒

童軒字士昂

金陵瑣事
云號枕肱

應天人景泰辛未進士拜吏科

給事中弘治中為南京禮部尚書致仕為文淵博雄麗
詩有唐人體裁書法道勁

分省人物考

徐瓊

徐瓊字時庸號東谷金谿人天順丁丑進士第二人授
編修弘治中為禮部尚書加太子太保圭峰羅公謂瓊
之量弘美而無量名文優美而無文名書善美而無書

名有三不近名贊

撫州志

沈暉

沈暉常州宜興人天順庚辰進士弘治中為南京兵部侍郎詩有魏晉風楷書得魯公筆意

列卿紀

周經

周經字伯常陽曲人舉天順庚辰進士入翰林為庶吉士授檢討弘治中為戶部尚書贈太保謚文肅為詩文及書麗而有則

懷麓堂集

陸鉞

陸鉞字鼎儀號靜逸又號凝菴崑山人天順癸未試禮部第一甲申廷試第二授編修弘治初擢太常少卿兼翰林侍讀為文章周慎雍裕詩調高古尤嗜書清勁可愛

懷麓堂集

羅璟

羅璟字明仲

王世貞云號永玉

江西泰和人天順癸未進士及

第除編修弘治中為南京國子祭酒

列卿紀

永玉筆法頗欲學宋仲溫而未成長然當其時亦錚錚不知何故遠讓長沙

王世貞國朝名賢遺墨跋

劉大夏

雍

劉大夏字時容華容人天順八年進士為庶吉士出為職方主事歷郎中弘治十五年為兵部尚書致仕嘗預作壽藏記書而勒諸石贈太保諡忠宣

書史會要

傅瀚

傅瀚字曰川

王鏊云自號體齋新喻人

天順甲申進士入翰林為庶

吉士授檢討憲宗見古帖隻字百餘函走中使令編次
為韻二律頃刻而就弘治中為禮部尚書贈太子太保
諡文穆博學強記為詩文峻整有格書法亦道美

懷麓

堂集

傅潮

傅潮瀚之弟成化辛丑進士為中書舍人

匏翁家藏集

瀚弟潮亦工書時稱一家二妙

震澤集

倪岳

倪岳字舜咨上元人天順甲申登進士入翰林為庶吉

士授編修弘治中為吏部尚書贈少保諡文毅

震澤集

王世貞國朝名賢遺墨有倪岳書

弇州續稿

謝鐸

謝鐸字鳴治號方石太平人少穎敏能為韻語天順甲

申登進士第選庶吉士授編修孝宗時為禮部右侍郎

掌祭酒事贈尚書諡文肅

列卿紀

王世貞國朝名賢遺墨有謝鐸書

弇州續稿

戴珊

戴珊字廷珍浮梁人天順八年進士弘治九年為南京刑部尚書改左都御史贈太子太保諡恭簡

書史會要

王世貞國朝名賢遺墨有戴珊書

弇州續稿

屠瀟

屠瀟字朝宗號丹山鄞縣人成化丙戌舉進士試監察御史弘治中為吏部尚書加太子太傅贈太保諡襄敏

列卿紀

李東陽屠丹山詩卷跋云右太子太傅丹山屠公手書
長歌一卷以遺贈太保周文端公者也雖言語詞翰皆
文獻之所在

懷麓堂集

程敏政

程敏政字克勤休寧人以奇童薦入翰林登成化二年
進士淹貫經籍學最博瞻弘治中以太常卿進禮部侍
郎兼翰林學士

敏政書合處不減李賓之

王世貞續名賢遺墨跋

羅玘

羅玘字景鳴

號圭峰

南城人成化丁未進士歷官吏部右

侍郎贈禮部尚書諡文肅

珊瑚網

李宗易建亭曰午風羅景鳴隸書其上

石璫熊峰集

呂獻

呂獻字丕文號甲軒紹興新昌人成化甲辰進士授刑

科給事中考廟登極命使交趾弘治十年擢應天府丞

終南京兵部侍郎詩文冲淡純粹善草書跌宕奇偉

列

卿紀

戴經

戴經字孟常秀水人成化丙午舉人歷延平九江二府推官陞泰安知州致仕有雙湖集行世

項元廉秀水志

碧梧秋月詩序弘治十一年雙湖居士戴經書

鄉衡嘉

興志補

廖輔

廖輔字舜元號東山長汀人弘治二年貢知壽州善詩

工草書有張東海筆意為時所珍董宣贈以歌云壽州
草書天下雄翰林風月羅心胸筆鋒清勁奪天巧造化
到此全無功

汀州志

喬瑛

喬瑛字汝修雲南通海千戶所人弘治己未進士仕至
衡州知府詩文高古字學顏楷

張繹臨安府志

張鳳翔

張鳳翔字光世洵陽人左手橫書作字瞬息滿紙弘治

五年舉鄉試後成進士仕至主事

書史會要

張元澄

張元澄字靜夫號東山弘治甲子中鄉試以能書薦詔脩孝廟實錄入中書時逆瑾遣小奄索楷書不為禮尋補南昌倅楷書逼二沈草法懷素與東海並驅時有安南太守南昌倅東海東山配兩翁之句

青浦志

錢仁夫

錢仁夫字士弘常熟人弘治己未舉進士授都水司主

事遷繕部員外郎字學四體皆善號東湖居士

鄧穀常

熟志

劉挺

劉挺字咸卓萬安人弘治庚戌登進士第授武選主事累官河南布政古章句步驟柳州字畫類顏甚偉

劉玉

執齋集

曾琮

曾琮字石卿號丹崖壬午領省薦授鄴都令性嗜書不

嘗一日釋手風日清和則又臨摹法帖故文辭既富而
字畫亦精

劉玉執齋集

周佩

周佩字鳴玉別號北野華亭人弘治庚戌舉進士授工
部主事升員外郎轉刑部郎中劉瑾擅政乞身歸隱日
玩周易一卦課詩一首字數幅歲以為常詩學唐字倣
晉皆有法

馮元成集

蔡潮

蔡潮號霞山臨海人弘治乙丑進士仕至河南右轄善作大書巨坊名扁取稱遐邇

書史會要

張文淵

張文淵弘治己未進士授工部主事終南京禮部郎中善真草筆力遒勁得朱文公書法

徐待聘止虞縣志

楊武

楊武字文宗岐山人善大書弘治丙辰進士官至副都

御史

陝西通志

張弘至

張弘至字時行號龍山東海翁季子草書得三昧法有父風時比之芝旭義獻弘治丙辰登進士改庶吉士授兵科給事中後以戶科都給事中致仕

雲間志略

張其湜

張其湜字季琰弼孫弘至子善詩草書有祖風

書史會

要

周宣

周宣字彥通號秋齋清浦人弘治進士仕終廣東左轄
能詩文書法端勁有體格海內重之

書史會要

胡錦輅

胡錦輅字大載工詩善行楷弘治五年領鄉薦仕為右

府都事

尹臺永新縣志

張潛

張潛字用昭號東谷華州人弘治丙辰進士授戶部主
事累官山東左叅政善吟咏工書

分省人物志

鄧杞

鄧杞字思貞弘治十六年貢為國子典簿善草書有才

名

王材江西新城志

沈周

沈周字啓南世稱之曰石田先生

見畫家傳

家長洲之相城

里景泰間已有重名汪郡守許欲舉應賢良不果王端

毅公巡撫南畿尤重之一時名人皆折節內交後學好

事者日造其廬而請焉書法涪翁道勁奇倔

震澤集

吳綸

吳綸字大本宜興人創別墅於溪山間南曰樵隱西曰魚樂自號心遠居士喜作書得法書名蹟必日臨數過其書往往為鄉人取去藏之至蘓必過沈石田流連浹旬乃去

震澤集

張鈇

張鈇字子威慈谿人

書史會要云與沈啟南為詩友

博學強記綜貫經

史攻古詩文無工篆隸真草燕居獨處必正襟危坐高

風逸致傲睨物表

張時徹寧波志

張淵

張淵字子靜號孟嘏吳興布衣守道安貧隱居鴻村之野與沈石田友善行楷規模玉局翩翩有致

書史會要

王綸

王綸字理之以字行

見畫家傳

師事沈啟南稱入室工篆隸

楷書不減率更令

崑山人物傳

雷鯉

雷鯉字自波

書史會要云號半窗山人與沈石田同時

建安人善詩工篆隸

建寧府志

朱存理

朱存理字性甫長洲人從杜瓊先生游聞人有奇書輒從以求以必得為志其詩精工雅潔務出新意尤精楷法手錄前輩詩文積百餘家著鐵網珊瑚

甫田集

性甫爰自弱齡夙勤文學書關晉戶吟升宋堂接先曹之典刑暢遺民之風格

祝肇金石契

存理工篆籀

劉鳳續吳先賢贊

王一鵬

王一鵬字九萬號西園野夫華亭人

見畫家傳

弘治十一年

應貢授泰順縣訓導致仕性寥廓瀟灑綽似晉人工詩善書畫尤長於署書郡中扁額多出其手

雲間志略

王西園字學趙文敏

張鼎寶日堂集

皇甫信

皇甫信字成之長洲人弘治戊申貢入太學少負奇氣

為文章數千言立就作詩有警語尤工書法行師趙文敏楷師張即之以上逼顏魯公環瑋峭勁求者日填戶

吳中公府學校齋坊多出其手

震澤集

黃雲

黃雲字應龍崑山人家貧力學文宗坡老書法山谷弘

治中以歲貢授瑞州訓導

蘓州志

馬時暘

馬時暘名暄以字行會稽人博通經史尤善古篆隸孝

廟初徵入華蓋殿供御授錦衣衛鎮撫

書史會要

陳厚

陳厚字良載弘治間以楷書選入史局供事預修會典

書成授翰林序班

杭州志

趙式

趙式字訓夫弘治中為中書舍人遷大理寺正工真行

篆隸

懷麓堂集

張翼

張翼字鵬飛號北林肅寧人七歲善書弘治中貢入太學為河南按察檢校

樊深河間府志

劉榮

劉榮江西安成人諭德劉戩之子

震澤集

弘治三年錢福榜進士題名碑大學士丘濬撰文大理寺右寺副劉榮書

六館日抄

詹復禮

詹復禮詹僖之父故善書僖寔過之

張時徹寧波志

詹僖

詹僖字仲和

藝苑卮言作詹禾字仲和

號鐵冠道人鄞人初為縣諸

生已而棄去學書師王右軍樂毅論東方朔贊及趙子

昂度人經金丹四百字七觀焦君碣諸帖皆逼真年七

十餘燈下作小楷如蠅頭遒勁可法兩京俱有碑刻人

皆珍焉僖名動公卿而亢潔自好終不屑丐一官人以

是益重之

張時徹寧波志

仲和生弘治時行草法趙文敏一點一畫必有祖述自

云刻意書學五十餘年心記腹畫方悟旨趣嘗以子昂

款式落之識者卒不能辨

書史會要

詹和倣趙吳興體酷似之嘗作質書以鬻又別作李懷琳揚補之得盲兒價甚夥

藝苑卮言

仲和法趙承旨幾得其十之七但筆法不精偏鋒一律

不能生變

詹氏小辨

楊節

楊節字居儉餘姚人

見畫家傳

弘治末以善書直內殿為序

班書效顏魯公更加瘦勁

書史會要

杜堇

杜堇字懼男有裡居古狂青霞亭長之號

見畫家傳

丹徒人

占籍京師勤學經史及諸子集錄舉進士不第遂絕意進取為文奇古詩精確通六書

圖繪寶鑑續纂

盛安

盛安字行之號雪蓬

見畫家傳

字學晦翁頗得其似

王誥江

寧縣志

王佐

王佐字仁甫自號古直老人黃巖人善草書游京師客公卿間李西涯作王古直傳又贈詩曰長安信脚自來往醉醒不信東君誰其風度可知也

鐵網珊瑚

鄒忠

鄒忠字顯之無錫人雅好鍊養之術因自號林泉晚嗜周易久而有得卦賦一詩隱括大旨書法兩沈搨本數十皆莊重縝楷

邵寶容春堂別集

吳鳴翰

吳鳴翰東洞庭人為縣學諸生工書屬文尤長於詩詩成必親書小楷輒為人持去

王鏊震澤編

秦霖

秦霖字潤孚號卑牧子無錫人教授鄉里人敬之稱必曰卑牧先生學既該洽尤精於史喜為歌詩有唐人風致為文長於啟劄所著述多成卷帙至於作書有法又其餘事也

匏翁家藏集

方乾

方乾餘杭人善書

祝允明懷星堂集

顧培

顧培字起元以字行

見畫家傳

工篆隸

崑山人物傳

夏禮

夏禮年七歲能書斗大字人稱為書小史沈周作長歌

贈之

蘇州志

汪道全

欽定四庫全書

御定書畫譜

汪道全婺源人以能書名郡中清婉可愛

程敏政篁墩

集

鄭時雍

鄭時雍歙人鄉進士詩文清新典贍工草書

篁墩集

程璫

程璫婺源人好學能書為里塾師

篁墩集

鍾禮

鍾禮字欽禮

見畫家傳

少孤力學書法趙子昂弘治中直仁

智殿

徐待聘上虞縣志

李進

李進字孟昭嘉興人博極羣書為文春容宏辯尤工楷隸行草為郡學訓導

嘉興府志

蕭慈

蕭慈將樂人為邑諸生有文名尤工楷書

延平志

周時勅

周時勅字欽甫別號古山華亭人弘治間累舉不第會

孝宗徵能書者俾直文華供內制因以書進士大夫評
之者謂道勁有古法造請無虛日武宗初授鴻臚寺序
班遷光祿寺丞

徐階少湖集

董元

董元更名玘紹興人九歲真楷草書皆能之

黃瑜雙槐

歲抄

周璿

周璿無錫人以能詩工楷書名里中以子子義貴贈吏

部左侍郎兼翰林院侍讀學士

申時行賜閒堂集

王敷若

王敷若三山人少有志於用世既而以疾廢遂舍科舉之學益務博覽無所不窺發為詩歌新麗可喜尤工行

草書

椒丘文集

陳廷泰

陳廷泰閩之連江人好學能詩字畫亦遒勁可愛

椒丘

文集

沈天祿

沈天祿字親仁里稱僖逸先生錢唐人工書法臨歐陽率更能吹洞簫好與黃冠游

沈朝煥泊如齋集

吳燿

吳燿字次明以縣學生貢入國子書法宗顏魯公尤精篆刻善鑒古器物書畫

吳縣志

李橘

李橘字庭貢順德人博學善書仕為太平訓導再領閩

鄉

王守誠順德府志

方絢

方絢字君素永定人雋學力行好古文工詞賦書篆晚
以八行舉辭不就隱居西山草堂門人稱濯錦先生

書

邵文思

邵文思字仁甫閩縣人工行草選直誥敕房累官尚寶

卿

閩書

溫恭

溫恭晉江人篤志經史善楷書鼓琴舉賢良方正

閩書

李璧

李璧自號介石晉江人教授鄉里工詩辭尤善草行筆

畫適勁若老幹枯藤深得宋翼字法

閩書

周令

周令字翼之瑞安人工柳楷書法郡守以奇童薦為翰林秀才弘治戊午令修累朝實錄授直秘書監歷官太

常卿通政使兼正字

王繼明温州府志

王蕃

王蕃思南人自號一瓢齋工篆隸為詩清逸

黔記

林宣

林宣錢唐人家貴陽有才行書法道勁隱居以終

黔記

湯敬

湯敬字克恭歷城人善楷書通經史弘治中為龍江大

使

張文炳濟南府志

柴登

柴登南和人精真草篆隸書弗求仕進鄉里稱為隱者

翟濟遠南和縣志

楊碧

楊碧瓊州右所人工詩善真草篆隸

唐胄瓊州志

吳應

吳應字允吉政和人能詩尤工篆隸

謝邦信建寧府志

周文通

周文通

考宗時人

祝允明書述云談者謂邇日周文通宜攀

詹沈蓋亦依稀

懷星堂集

弘治六年毛澄榜進士題名碑大學士劉健撰文大理寺左寺副兼司經局正字周文通書

六館日抄

王鏊

王鏊字濟之

王世貞云別號守溪學者稱震澤先生

吳縣人成化乙未進

士武宗時入內閣進戶部尚書文淵閣大學士加少傅改武英贈太傅諡文恪文規模昌黎以及秦漢詩蕭散

清逸有王岑風格書法清勁得晉唐筆意

列卿紀

王延陵

王延陵字子永鰲季子鰲還山小構其扁書未當意延陵方髫年操管立就諸名家皆歎為不及蔭為中書舍人

吳縣志

楊廷和

楊廷和字介夫成都人成化戊戌進士改庶吉士授檢討正德中為吏部尚書華蓋殿大學士

列卿紀

明昌運宮碑大學士李東陽撰楊廷和書

倚晴閣雜抄

李傑

李傑字世賢常熟人成化丙戌進士選庶吉士授編修

正德二年為禮部尚書贈太子少保

列卿紀

李傑字畫道逸得黃米法

蘓州志

郭勛

郭勛

郭英五世孫

正德三年嗣武定侯進封翊國公

珊瑚網

崇壽寺碑吏部右侍郎溫仁和撰文武定侯郭勛篆額

梁儲

梁儲字叔厚順德人成化戊戌進士改庶吉士授編修

正德中為吏部尚書華蓋殿大學士贈太保諡文肅

列

卿紀

王世貞國朝名賢遺墨有梁儲書

弇州續稿

楊一清

楊一清字應寧丹徒人年八歲以奇童薦入翰林為秀

才成化壬辰登進士授中書舍人正德中為吏部尚書

華蓋殿大學士贈太保諡文襄

列卿紀

一清善行草

書史會要

李璡

李璡字時器湯陰人成化壬辰進士授都水主事武宗

時為工部尚書贈太保諡恭敏

列卿紀

明大慧寺碑大學士李東陽撰工部尚書李璡書

涿水

亭雜識

洪鍾

洪鍾字宣之錢唐人成化乙未進士授刑部主事正德
己巳為刑部尚書兼左都御史謚襄惠

列卿紀

王世貞國朝名賢遺墨有洪鍾書

弇州續集

儲瓘

儲瓘字靜夫泰州人成化二十年進士正德中為南京

吏部左侍郎謚文懿

珊瑚網

瓘書拙而微有筆

王世貞國朝名賢遺墨跋

張志淳

張志淳字進之江寧人成化甲辰進士正德中為南京戶部侍郎致仕著書自娛尤究意詩文書畫咸造名家

列卿紀

喬宇

喬宇字希大號白巖太原樂平人成化甲辰進士武宗時為吏部尚書為文出入六經詩多自得語通篆隸有二李風晚精鑒賞名書古帖一見知之

列卿紀

徐霖嘗語人有明以來喬宇篆法第一他人莫敢望也

王劍尊聞

篆書幾失其傳西涯翁極力振其衰而復之古白巖先

生實同斯志

柴奇黼菴遺藁

王鴻儒

王鴻儒字懋學南陽人成化二十三年進士聰悟天成
書過目成誦作字端勁有古法正德中為南京戶部尚

書諡文莊

書史會要

鴻儒書得歐顏法

列卿紀

劉春

劉春字仁仲號東川一號樗菴四川巴縣人成化丁未進士及第授翰林編修正德中為禮部尚書贈太子太保諡文簡為詩文力追古作晚益簡勁字畫規模於歐而自成一家宛如冠冕佩玉有心畫焉

列卿紀

陸完

陸完字全卿長洲人成化丁未進士擢監察御史正德

中為吏部尚書

列卿紀

王世貞國朝名賢遺墨有陸完書

弇州續稿

錢承德

錢承德字世恒常熟人成化十二年進士知阜平縣擢廣東道御史正德初為福建鹽運司同知詞業清美善楷法座有奇石五峰號五峰居士

常熟志

毛澄

毛澄字憲清崑山人弘治六年進士第一人授修撰正

德十二年為禮部尚書贈少保諡文簡

珊瑚網

王世貞國朝名賢遺墨有毛澄書

弇州續集

王瓚

王瓚字思獻永嘉人博學雄文下筆數千言不滯弘治丙辰進士第二授編修正德十六年為南京禮部左侍

郎贈尚書諡文定

列卿紀

瓚書學高閑晉光

弇州續集

張嘉謨

張嘉謨字舜卿

書史會要云號城南

寧夏衛人弘治辛酉舉於鄉

正德中授兵部主事終山東按察僉事好書學篆隸行

草各得其妙

分省人物考

王守仁

王守仁字伯安餘姚人弘治十二年進士正德中為僉都御史巡撫南贛擒宸濠封新建伯南京兵部尚書謚

文成

珊瑚網

古人論右軍以書掩其人新建先生乃不然以人掩其

書

徐渭文長集

新建善行書出自聖教序得右軍骨第波豎微不脫張
南安李文正法耳然清勁絕倫

紹興志

祝允明

祝允明字希哲

王世貞云
號枝山

長洲人徐有貞外孫也生而

右手指枝因自號枝指生以舉人授興寧令稍遷應天

府通判亡何乞歸其書出入晉魏晚並奇縱為國朝第

一書史會要

文徵明曰吾鄉前輩書家稱武功伯徐公次為太僕少卿李公李楷法師歐顏而徐公草書出於顛素枝山先生武功外孫太僕之壻也早歲楷筆精謹寔師婦翁而草法奔放出於外大父蓋兼二父之美而自成一家者也李公嘗為余言祝壻書筆嚴整而少姿態蓋不及見晚年之作耳

珊瑚網

希哲書學精工自急就以逮虞趙上下數千年變體罔不得其結構若義獻真行懷素狂草尤臻筆妙

顧璘國

寶新編

京兆楷法自元常二王永師秘監率更河南吳興行草
則大令永師河南狂素顛旭北海眉山豫章襄陽靡不
臨寫工絕晚節變化出入不可端倪風骨爛熳天真縱
逸直足上配吳興他所不論也

藝苑卮言

技指山人書如縣裏鐵如印印泥

容臺集

祝先生天資卓越臨池之工指與心應腕與筆應故其
所學罔不逼真即草草數行亦必動符軌則

錢允治少

室先生彙

唐寅

唐寅字伯虎更字子畏吳人戊午試應天府錄為第一人往會試時有富子載與俱北既入試有仇富子者抨於朝言與主司有私并連子畏黜掾於浙藩歸心佛氏自號六如治圃舍北桃花塢日般飲其中

祝允明唐子

畏墓志

伯虎書入吳興堂廡差薄弱耳

弇州山人彙

都穆

都穆字玄敬吳縣人弘治己未進士歷禮部主客郎中加太僕少卿七歲能詩及長泛濫羣籍奉使至秦中搜訪金石遺文摹搨繕寫作金薤琳琅錄

書史會要

文奎

文奎

微明兄

字徵靜後以字行別字靜伯有田在陽城沙

湖之間因號雙湖居士讀書善筆札聰明彊解達於事理平生氣義自勝不為貴勢詘折

莆田集

文徵明

文徵明名璧以字行更字徵仲長洲人以世本衡山號
衡山居士貢至京師授翰林待詔少拙於書刻意臨學
亦規模宋元既悟筆意遂悉棄去專法晉唐其小楷雖
自黃庭樂毅中來而溫純精絕虞褚而下弗論也隸書
法鍾繇獨步一世生平雅慕趙文敏公每事多師之論
者謂詩文書畫雖與趙同而出處純正若或過之

文嘉

行略

徵明初游郡學時學官以嚴厲束諸生辨色而入張燈
乃散諸生皆飲噱嘯歌壺奕消晷徵明獨臨寫千文日
以十本為率書遂大進

明詩綜

公於書未嘗苟且或答人簡札少不當意必再三易之
不厭故愈老而愈益精妙有細入豪髮者或勸其草次
應酬曰吾以此自娛非為人也李文正公東陽以篆自
負及見公隸曰吾之篆文生之隸茂以加矣

黃佐衡山

文公墓誌銘

徵仲常自負隸法則不尚古文而歎於篆然余得其千

文一本亦在吳興堂廡也

藝苑卮言

文太史自書所作七言律皆閑牕日課乃爾端謹如對

客揮毫不以耗氣應想見前輩風流

容臺集

待詔小楷行草深得智永筆法大書做涪翁尤佳評者

云如風舞瓊花泉鳴竹澗

書史會要

文彭

文彭字壽承號三橋待詔徵明子也少承家學善真行

草書尤工草隸咄咄逼其父以諸生久次貢授秀水訓

導擢國子助教於南京

王世貞吳中往哲像贊

先生字學鍾王後效懷素晚年則全學過庭而尤精於篆隸索書者接踵不斷往太史翁以書名當代然有時不樂書雖權貴人不敢強先生手不停揮求者無不當意

許穀文國博墓誌銘

文彭篆分真行草並佳體體有法並自成家不蹈父跡

才似勝之工力遠不及父

詹氏小辨

文嘉

文嘉字休承彭之弟也其書不能如兄工而畫得待詔一體以諸生久次貢授烏程訓導擢和州學正

王世貞

吳中往哲像贊

嘉小楷輕清勁爽宛如瘦鶴稍大便疎散不結束逕寸行書亦然皆不逮父

詹氏小辨

王同祖

王同祖字繩武

朱謀聖云號前峰

崑山人文太史甥為詩清麗

有唐人風善草隸二十四薦南宮明年始廷試改翰林授編修終國子司業

弇州續稿

蔡羽

蔡羽字九達居吳之洞庭山因自號林屋山人工屬文能為歌詩正行書亦道勁間臨蘭亭十七帖人或從旁指摘其離者曰不然吾非臨右軍吾乃教之為諸生與

文待詔齊名貢入太學授南京翰林孔目

王世貞吳中

往哲像贊

蔡書以禿筆取勁姿盡骨全

王世貞三吳楷法跋

蔡林屋行押書道美有逸韻

六研齋筆記

王守

王守字履約號涵峰吳縣人為諸生時與其弟寵俱工藝文筆札之事而名不如弟成進士授南昌府推官入為吏科給事中終右副都御史

王世貞吳中往哲像贊

王守書倣李懷琳

書史會要

王寵

王寵字履仁後字履吉

甫田集云別號雅宜山人

為邑諸生累試輒

不利貢入太學詩好建安三謝及盛唐文學遷固甚似之書始摹永興大令晚節稍稍出已意以拙取巧婉麗道逸為時所趣幾奪京兆價

王世貞吳中往哲像贊

衡山之後書法當以王雅宜為第一蓋其書本於大令無之人品高曠故神韻超逸迥出諸人上

何良俊四友

齊叢說

陳淳

陳淳字道復後以字行別字復甫號白陽山人長洲之大姚村人從太史衡山文公遊涵揉磨琢器業日進凡經學古文詞章書法篆籀畫詩咸臻其妙稱入室弟子巡撫都御史陳公知君精於篆法開館禮聘俾書五經周禮鏤板置學名益大震

張寰白陽先生墓志銘

道復正書初從文氏欲取風韻遂成媚側行書出楊凝式林藻老筆縱橫可賞

藝苑卮言

陳淳小篆瀟灑而勁

詹氏小辨

錢穀

錢穀字叔寶師文太史家故貧以好客故益貧室無長物太史題其楣曰懸磬因自號磬室手錄古文金石書幾萬卷善書行法眉山篆法二李小楷法虞歐每得其妙於法外識者以為真有渴驥奔猊漏痕折釵之勢然為畫掩世罕知者

馮元成集

王韋

王韋字欽佩

王世貞云號南原

金陵人弘治乙丑進士改庶吉

士授吏部主事擢河南提學副使以母老乞休加太僕

少卿

馮元成集

王欽佩真草清雅有法

金陵瑣事

王逢元

王逢元字子新

書史會要云欽佩之子也

楷法元常草法逸少父子

詹氏小辨

顧璘云王子新英年適起遂擅海內書名或者議其真

書稍肥余謂莊重沉着脫去佻巧獨得鍾王遺法

顧璘

息園存彙

逢元書初學王右軍永禪師晚出入山谷老人

金陵瑣

事

王韋父子俱善書人遂以大令呼子新

江寧府志

徐霖

徐霖字子仁南京人篆登神品餘若真行皆入精妙碑
版書師顏柳題榜大書師詹孟舉並絕海內日本使臣
得者什襲為珍武宗南巡召見行宮兩幸其宅子仁故

長髯武宗手剪之以為拂子因自號髯翁 珊瑚網

霖好堆墨書神采爛然

藝苑卮言

徐子仁九歲作大書操筆成體正書出入歐顏大書初
法朱晦翁幾亂其真後喜趙松雪筆力遒勁布構端飭
成一家書至於篆字得法於異人更造閭奧西涯李相
國白巖喬太宰時號篆聖見則以為不及 金陵瑣事

篆法久微自周伯琦後惟李文正東陽遠續其緒霖躬
詣堂室蚤尚雄麗晚益樸古殆登神品 松江志寓賢傳

葛許

葛許字希淵號秋泉四明人僑居南昌能篆書時徐霖在金陵徑往訪之語以誤從偏傍者數事霖敬服遂相

友善

書史會要

李夢陽

李夢陽字獻吉

續書史會要云號空同

系出開封籍慶陽弘治六

年進士授戶部主事擢郎中武宗時謫布政司經歷起江西提學副使為古文詞與何景明徐禎卿邊貢顧璘

鄭善夫陳沂朱應登康海王九思號十才子

書史會要

王世貞云嘗見李先生寫七尺碑大有顏平原筆

王世

貞國朝名賢遺墨跋

何景明

何景明字仲默

朱謀聖云號大復山人

信陽人年十九舉進士授

中書舍人武宗時為陝西提學副使

珊瑚網

景明書倣李長沙而指小滯

王世貞國朝名賢遺墨跋

徐禎卿

徐禎卿字昌穀蘄州人仕至國子博士幼精文理不由
教迪長宿驚歎稱為文雄專門詩學成一家之言

國寶

新編

禎卿詩甲海內而書極少行筆道雅在文蔡間

弇州山

人稿

顧璘

顧璘字華玉

金陵瑣事
云號東橋

上元人舉進士方弱冠敏瞻嗜

學多交名侶嘉靖中為南京刑部尚書詩篇清麗文辭

雅質多傳於世

名賢遺墨

華玉書翩翩有晉人意

弁州山人集

璘善行草筆力高古

書史會要

東橋真草皆清徹可愛

金陵瑣事

顧璘

顧璘字英玉華玉之從父弟也正德甲戌進士授南京

工部主事歷官河南副使罷歸橐蕭然無以給昕夕臨

街一小樓扁曰寒松訓蒙童數人以自給

名賢遺墨

英玉真草皆有晉人風味

金陵瑣事

鄭善夫

鄭善夫字繼之閩縣人初為戶部主事劉瑾用事告歸築少谷草堂巖居六載起為禮部員外郎復告歸嘉靖

改元薦起吏部郎中

珊瑚網

善夫署書做晦翁而自得

明詩綜

善夫書法入神真行斟酌聖教狂草奔放縱橫爛熳顛

素而下弗論也

黃史會要

陳沂

陳沂初字宗魯後字魯南鄞人正德十二年進士改庶吉士除編脩嘉靖中以行太僕卿致仕少好蘓氏學自號曰小坡與顧璘王韋稱金陵三俊

珊瑚網

沂書學蘓長公旁及篆隸繪事皆稱能品

金陵瑣事

孫一元

孫一元字太初不知何許人自稱曰關中人好老氏書辭家入太白山因號太白山人工為詩與名流倡和

劉

麟清惠公集

太初性喜學書

書史會要

景暘

景暘字伯時金陵人正德戊辰舉進士第二人授編修
仕至左中允南京國子司業工行書尤善小篆與周伯
琦埒為文以意勝詩蕭散有致

焦竑澹園集

胡績宗

胡績宗字孝思一字世甫

朱謀壘云號可泉又號也齋

秦安人正德

戊辰進士授檢討歷官右副都御史

列卿紀

績宗書法筆力清勁古雅唯乏風韻耳

書史會要

楊慎

楊慎字用修新都人正德辛未舉會試第二廷試第一授翰林修撰兩上議大禮疏謫戍雲南嘗醉胡粉傅面作雙丫髻插花諸伎擁之游行城市諸酋以精白綾作襪遺諸伎服之酒間乞書醉墨淋漓諸酋輒購歸裝潢

成卷

書史會要

慎以博學名世書亦自負吳興堂廡

王世貞國朝名賢

遺墨跋

孫承恩

孫承恩字貞甫別號毅齋松江人正德辛未登進士考
庶吉士授編修以禮部尚書致仕贈太子太保謚文簡
書法道勁無纖媚態叅之古意尤多

環溪集

汪必東

汪必東字希澮崇陽人正德辛未進士邃於經史能為

古文詞善草書累官河南叅政

湖廣總志

孫紹祖

孫紹祖字遠宗號我山廣德人正德辛未進士官至中

允工書法為時所尚

書史會要

張潮

張潮字惟信號亭溪更號玉溪內江人正德辛未進士

改庶吉士授編修終禮部尚書能詩文尤工楷書

分省

人物考

常倫

常倫字明卿澤州沁水人正德辛未進士仕大理評事
以詩名書瀟灑道勁直與晉爭上下

書史會要

胡松

胡松字茂卿號承菴績溪人正德甲戌進士官至工部
尚書行草流俊有法

弇州山人槩

虞守隨

虞守隨字惟貞正德甲戌進士特授四川御史謫州判

善真行草書號茂巖

周士英義烏縣志

顧可久

顧可久字與新別號洞陽無錫人正德甲戌進士拜行人左遷國子學正嘉靖初拜戶部員外郎終廣東按察副使好染翰作鍾王書盡得其髓

皇甫汈司勳集

林達

林達字志道號愧吾

珊瑚網云
林俊子

正德甲戌進士歷官南

京吏部考功郎中工篆隸能詩文

柯維騏續莆陽文獻

王廷陳

王廷陳字稚欽黃岡人正德丁丑進士選庶吉士解館

拜吏科給事中出為裕州知州

呂元音黃岡縣志

稚欽書法故不必成就而翩翩自賞宛有徵仲中年以

前筆

弇州續稿

林黼

林黼字質夫號石峰閩縣人通篆籀登正德丁丑進士

授大理評事

分省人物考

張孚一

張孚一號雲川弼之孫正德丁卯領鄉薦知建陽縣喜

作小楷或署書咸工

莫如忠崇蘭館集

孫存

孫存字性甫滁人正德進士仕至河南左轄書法以清

媚見稱

書史會要

楊應奎

楊應奎字文煥益都人正德間進士授仁和尹徵兵部

主事轉禮部員外郎博覽羣籍工右軍書法

馮惟訥青

州府志

成周

成周無錫人正德二年進士官僉事善歌詩工書豐腴

流宕得眉山法

無錫志

王謳

王謳字舜夫西安人正德丁丑進士授工部主事陞僉事有才力學賦詩追逐古人善楷行書似顏柳

陝西通

志

王鳳靈

王鳳靈字應時順德之耕原人正德丁丑進士仕淮南太守終陝西提學字法右軍人珍慕之淮諸生稱曰筆

峰先生

書史會要

于鏊

于鏊字器之號雲心滁州人正德戊辰進士授戶部主事終貴州按察使究心六書之學年八十燭下猶能作

蠅頭楷書

分省人物志

華愛

華愛字仁卿號石牕櫟陽人正德時官桂林守精於書

法尤工義獻行草評者謂其道勁美澤變化若風雲翔

翔若龍鳳

書史會要

李贊

李贊字惟誠號平軒蕪湖人正德時官浙江左轄草書

道勁得蘓長公筆意

書史會要

姚惟芹

姚惟芹字惟誠別號東齋

授孫

正德戊辰貢入太學好古

帖名畫時時摹寫得意處莫辨其為東齋筆也手書御

史彙數篇勒諸石或以唐詩晉字擬

姚氏家傳

鄭天鵬

鄭天鵬諸暨人正德中舉於鄉書法為世所珍今弋陽

手書文告每為好事者竊去

書史會要

江巨石

江巨石正德時為禮部主事好為鍾鼎大篆斯邕以下

恥而不為

書史會要

曾嶼

曾嶼號少岷四川瀘州人舉進士正德十二年為建昌

知府博通羣籍善書法工古文詞

鄉鳴雷建昌府志

涂澂

涂澂字維瀉新城人正德中歲貢習鍾王書法選入內

庭寫誥授徽府同知遷刑部郎中

建昌府志

鄭雍言

鄭雍言四明人舉進士官中書舍人工行草小楷篆書

書史會要

張允中

張允中字道宗忻州人正德乙卯舉人知大興縣醞藉

有文書法道美

光承志忻州志

金琮

金琮字元玉金陵人嘗遊浙之赤松山愛其佳徘徊不

能去因自號赤松山農善書初法趙子昂晚年學張伯
雨精工可愛文待詔極喜之得片紙皆裝潢成卷題曰

積玉

名賢遺墨

元玉家有極高明樓每夜學書然燭一枝月然三十枝

寒暑無間

金陵瑣事

金魚

金魚字慕楨

子琮

書得家學筆力稍軟

金陵瑣事

劉穉孫

劉穉孫字復孺

劉昌孫蘓州志云號七芝居士

文待詔以兄之子妻之

字學蘓眉山尤工秦漢篆名擅一時

吳縣志

朱治登 胡師閔

朱治登胡師閔並師文待詔書法待詔遺蹟世所珍藏

大半二人之筆

王穉登筆記

朱貞孚

朱貞孚與文徵明同時為景寧教諭書畫無美

書畫記

彭昉

彭昉字寅之初有盛名選擇為吏南粵舉止多輕躁不能其官罷歸初年少游於文徵仲之門名日以著所為詩若文一時靡焉向風爭相慕書跡道勁貴於時

續文

獻通考

王朝佐

王朝佐字邦翰晉江人能詩善書畫文徵明見而賞歎曰此人生在泉州可謂黃金與土同價

閩書

謝承舉

謝承舉字子象初名濬字文卿儲柴墟在南考功引與
同社累十舉不第退耕國門之南自號野金子

息園存

稟

謝髯九子象出於蘓黃兩家筆力清硬

金陵瑣事

顧元慶

顧元慶字大有長洲人以圖書自娛閒游戲翰墨瀟灑
夷曠得作者遺意故居埭川後徙通安里規大石塢為
壽藏因自號大石山人

瞿文懿公集

顧元慶好古法書嘗作瘞鶴銘考云其師南濠先生家藏碑刻甲於東南錄其文悉皆品題為金薤琳琅凡數十卷獨恨此銘為山僧所匿乃放舟京口冒雪渡江始得於山石之下親搨以歸由是復傳人間

書史會要

沈仕

沈仕字子登自號青門山人岳岱曰翰墨丹青游藝王道思序其詩云顧東橋以為江湖詩人第一流

名賢遺墨

嚴賓

嚴賓字子寅一字鶴丘金陵人字法米帖能詩及畫所蓄古法書名畫頗多往來東橋衡山諸公之門

江寧府

志

楊珂

楊珂字汝鳴餘姚諸生從王文成學隱居秘圖山養母

以孝聞為詩瀟灑不羣書得晉人筆法

紹興志

楊珂初亦習二王後益放逸柔筆疎行了無風骨所謂

南路體也

藝苑卮言

王洪

王洪字宗範海鹽人容貌修偉能書攻詩善談吐游陽

明先生門

海鹽圖經

張詩

張詩

書史會要云字子言

北平人自號崑崙山人學詩文於何景

明與諸豪俊交遊倡和重於都下為文雄奇變怪覽者不敢以今人待之字書放勁得其一幅揭之壁間可以

驚人亦足驅鬼

珊瑚網

李祐

李祐字宗吉別號三川安定人善大書草書

何大復集

張含

張含字愈光保山人少舉於鄉不樂仕進游梁宋間為

李夢陽所知與楊慎友善學者稱禺山先生

雲南通志

張禺山晚年好縱筆作草書不師法帖殊自珍詫

皇明

世說新語

林鉞

林鉞字宏用晉江人官南戶部郎中出守太平與關西

呂枏相友善詩能書

閩書

周梁石

周梁石撫州太守書效朱文公體甚奇偉

楊廉文恪公

集

陶楷

陶楷字文式號菊亭秀水人平生購奇書蓄名畫甚富

吟詩作文思致雋永真草書得古人筆意

楊廌文恪公

集

董宜陽

董宜陽字子元號紫岡復號七休居士上海人屢試不第遂棄舉子業專攻詩古文詞楷書法虞永興行草法僧智永顧司寇璘文待詔徵明許奉常穀皆推獎之

松

江志

高澂

高澂字宗呂侯官人

見畫家傳

早歲善屬詞不樂舉子業孤

潔一世知名海內善隸草八分

明詩綜

楊黼

楊黼雲南太和人素好學工書善篆籀庭前有大桂樹
縛板樹上題曰桂樓偃仰其中躬耕數畝以供甘旨註
疏孝經數萬餘言皆小古篆作字片硯硯乾欲下桂樓
取水硯池中忽已盈矣自是為常人謂孝感

珊瑚網

瞿汝臣

瞿汝臣號古村

瞿景淳父
見畫家傳

贈翰林編修字類沈度

瞿文

懿公集

張鉞

張鉞字寶之苦愛歐陽真帖暇則臨之敝筆積者種種

故字學多可觀

朱曜玉洲集

朱正

朱正字守中長洲人正德初以名醫徵字畫秀潤知者

珍愛之

懷星堂集

陸平

陸平字以和別號竹坡

陸深父

松江上海人善筆札真行

草書皆有晉唐人風致

儼山文集

宋顯章

宋顯章字文光號藻汀濮人以孝行著正德時人稱宋

孝子作字用草竹筆體畫遒勁自成一家

書史會要

宋顯章工草書善臨古帖

王汝訓東昌府志

崔深

崔深字靜伯吳江人正德中以字學薦授中書舍人

萬

姓統譜

朱端

朱端字克正海鹽人

見畫家傳

正德間以畫士直仁智殿亦

善書

書史會要

司馬伯通

司馬伯通弘正間傑材也草書倣聖母帖仕業亦豪俊

其詩多清豁

徐文長集

杜君澤

杜君澤號小癡姑蘓人

見畫家傳

善楷書嗜酒流寓高郵

圖

繪寶鑑續纂

李景

李景字光遠號柯耕衢之西安人

見畫家傳

工楷書授禮部

司務

畫史會要

李穆

李穆字元載吉之秦和人官南樂訓導罷閒後蹤跡多

在荆楚間因以寄寄為號所作真行篆隸諸書學者爭藏去以為法

羅欽順整菴存彙

陳世英

陳世英上虞人通尚書史記善楷法

震澤集

詹貴

詹貴字存中休寧人行書似蘓子瞻而酷似子由其法

趙承旨亦宛然似之

詹氏小辨

蔣能

蔣能號竹坡道人長洲人精小楷古篆由歲貢官福建
鹽運使司經歷改長蘆俱有政績

陸金蔣翁墓碣

林焯

林焯字惟大閩縣人工署書逕丈逾佳

福州志

林焯署書學松雪而少勁

珊瑚網

張煒

張煒字德南閩縣人官刑部郎善詩工署書得法於朱
晦翁而叅以己意其所題識至逾尋丈莫不極天然之

趣明詩綜

諸夏

諸夏號彪湖能法書古文詞與海內名公游

張丑清河

書畫舫

吳楚

吳楚休寧人善草書製墨得李廷珪遺法文待詔嘗記

其墨法為神品

徽州志

王時任

王時任字澤民華州人好酒工書

王維楨槐野先生存

筭槩

黃源

黃源清流人由舉人為汝寧教授能文善書多有述作

伍晏汀州志

丘山

丘山字安重莆田人知瑞安縣擢監察御史終雲南按察副使雅妙書法刻石崖州大忠祠一時重之

閩書

林渠

林渠莆田人宿州同知工書

閩書

羅黻

羅黻思南水德司人好吟詩工書大字至二尺楷法可

觀

田秋思南府志

朱唐

朱唐姑蘇人善小楷流寓汴梁凡碑銘皆唐書之

李天

麟祥符縣志

柴世需

柴世需字元功陽穀人以詞賦名尤善真草隸書選入

中祕纂修國史遷工部員外郎

黃承玄安平鎮志

徐潮

徐潮字以同居洞庭西山好學不倦詩章字畫迥出流

輩

吳縣志

馮濟

馮濟字子舟能詩善書

吳縣志

錢潤

錢潤字惟霖性高曠喜近林藪與善詩者為吟社詩溫

麗可誦書倣宋仲溫

常熟志

嚴雍

嚴雍常熟人有隱節工篆隸

常熟志

嚴芸

嚴芸字允芳雍子善大書篆隸有家法

常熟志

張奉

張奉字伯承張丑跋文徵明少峰圖云右文太史贈大父少峰圖一方其後大父撰述二篇宗老伯承用隸古書之各得漢魏唐人遺風

清河書畫舫

何翠谷

何翠谷雲間人業於醫登鄉舉其書翰深得晉唐氣態

書畫史

王德明

王德明

武宗時人

明陳先生學政序碑正德六年知嘉善事

清苑王德明書

鄒衡嘉興志補

李士實

李士實字若虛江西豐城人成化丙戌進士正德中為

右都御史附逆濠伏誅

列卿紀

士實書瘦險醜怪而一時聲甚著

藝苑卮言

傅亨

傅亨號芝山工小楷篆隸

書史會要

章寶臣

章寶臣號丹崖官祥符縣尉能書

書史會要

張節

張節官禮科給事中能書

書史會要

張士寔

張士寔官中書舍人能書

書史會要

徐澄

徐澄官中書舍人能書

書史會要

許伯貞

許伯貞官鉛山縣主簿善楷書

書史會要

陸顧

陸顧官主簿善書

書史會要

潘謙

潘謙官中書舍人能書

書史會要

鄭公佐

鄭公佐官澠池尉能書

書史會要

陳謨

陳謨字古訓江西南昌人官給事中善書

書史會要

楊士廉

楊士廉號思夷常熟人工草書斲琴雕漆亦皆能之

皇

明書畫史

范紳

范紳字朝儀號節齋嘉定人真行宗聖教亦善隸書

書

史會要

陳宣

陳宣字以昭號桂軒嘉定人善章草宗宋仲溫

書史會

要

金勉

金勉字希賢松江人官中書舍人善行楷

書史會要

陸勉

陸勉字懋成號竹石無錫人善書

書史會要

周文褒

周文褒永嘉人舉進士官河南布政使善楷書

書史會

要

何暹

何暹松江人官按察使工書法

書史會要

凌壽

凌壽錢唐人官大理評事工篆隸

書史會要

柳濟

柳濟字孟淵德化人善楷書

書史會要



御定佩文齋書畫譜卷四十二